

# DECLARATION

DV ROY, PORTANT  
permission à tous ses subjets de  
faire traficq & commerce en Espa-  
gne de toutes sortes de marchan-  
dises, fors & excepté des bleds &  
legumes.

*Publiée en Parlement le 22. Iuin 1626.*



A PARIS,

Chez C. MOREL, P. METTAYER, &

A. ESTIENE, Imprimeurs  
ordinaires du Roy.

M. DC XXVI.

*Avec Privilège de Sa Majesté.*

Case

Faded handwritten text, possibly a signature or name.

39.

1326

1626 ft

no. 4

THE NEW YORK  
LIBRARY



LOUIS par la grace de  
Dieu , Roy de France  
& de Nauarre, A tous  
ceux qui ces presentes  
Lettres verront, Salut.

Nous aurions cy deuant par nos Lettres de Declaration du vingt-troisiesme d'Auril de l'annee derniere, mil six cens vingt-cinq , faict defenses tres-expresses à tous nos subjets de faire aucun traffic en Espagne , de bleds, vins, toiles, cordages, & generalement d'y mener , conduire, transporter , ny achepter aucunes marchandises de quelque sorte & qualité qu'elles fussent , sur les peines portees par nosdites Lettres. Et d'autant que les causes qui nous

A ij

auoyent meü de faire leſdites de-  
 fenſes ceſſent à preſent: SçA VOIR  
 faiſons, Que nous de l'aduiſ de no-  
 ſtre Conſeil, où eſtoient la Royne  
 noſtre tres-honoree Dame & mere,  
 aucuns Princes de noſtre ſang, au-  
 tres Princes & Officiers de cette  
 Couronne, & autres perſonnes no-  
 tables de noſtre dit Conſeil, & de  
 noſtre certaine ſcience, pleine puis-  
 ſance & auctorité Royale: Auons  
 leué & oſté, comme nous leuons &  
 oſtons par ces preſentes ſignées de  
 noſtre main, les defenſes par nous  
 faiçtes du trafic & commerce en  
 Eſpagne portees par nos ſuſdites  
 Lettres de Declaration du vingt-  
 troiſieſme Auril de l'annee derniere.  
 VOVLONS & nous plaist que tous  
 nos ſubjets qui voudront traffiquer  
 en Eſpagne le puiſſent faire en tou-  
 te ſeureté & liberté, & y porter &



mener des vins, toiles, cordages, & toutes autres sortes de marchandises de quelque qualité qu'elles puissent estre non defendues & prohibees par nos Ordonnances, tout ainsi & en la mesme maniere qu'ils faisoient auparavant nos susdites defenses, fors & excepté les bleds & legumes dont attendu la disette que nous auons à present en nos Prouinces de Bretagne, Normandie & Picardie, Nous en auons de nouveau defendu le transport, à peine de confiscation. Si donnons en mandement à nos amez & feaux Conseillers les gens tenans nos Cours de Parlement, Que ces presentes ils facent lire, publier & registrer, & le contenu en icelles garder & executer chacun endroit & soy, & à nos Procureurs Generaux ou leurs Substituts, de faire pour l'execution d'icelles, toutes

poursuittes & diligences requises.  
**MANDONS** aussi aux Gouverneurs  
 & Lieutenans Generaux de nos Pro-  
 uinces, Lieutenans Generaux & Par-  
 ticuliers aux Gouvernemens d'icel-  
 les, Gouverneurs particuliers de nos  
 villes & places: Baillifs, Seneschaux,  
 Preuosts, Maires & Escheuins de  
 nos villes, Officiers de nostre Ad-  
 mirauté, & tous autres nos Officiers  
 qu'il appartiendra, de tenir la main  
 à l'exécution de nostre presente De-  
 claration: **CAR** tel est nostre plaisir.  
**EN** tesmoin de quoy Nous auons  
 faict mettre nostre seel à celsdites pre-  
 sentes. **DONNE'** à Paris le vingt-  
 sixiesme iour de May, l'an de grace  
 mil six cens vingt-six, & de nostre re-  
 gne le dix-septiesme.

Signé,

**LOVIS.**

Et sur le reply,

Par le Roy.

**DE LOMENIE.**

Et scellées du grand sceau de circ  
iaune sur double queuë. Et sur ledit  
reply est encores escrit :

*Leuës, publiées & registrées, Ouy &  
ce consentant le Procureur General du  
Roy, pour estre executées, gardées & ob-  
seruées selon leur forme & teneur, &  
coppies collationnées d'icelles enuoyées aux  
Bailliages & Seneschaussées de ce ressort  
pour y estre pareillement leuës, publiées,  
registrées & executées à la diligence des  
Substituts dudit Procureur General, aus-  
quels enjoint d'y tenir la main & d'en  
certifier la Cour auoir ce faiët au mois.  
A Paris en Parlement le vingt-deuxies-  
me Iuin, mil six cens vingt-six.*

*Signé,*

**DV. TILLET.**

1871

This image shows a blank, aged, cream-colored page, likely an endpaper or flyleaf of a book. The paper has a slightly textured appearance with some minor discoloration and faint smudges, characteristic of old paper. A small, dark, irregular stain is visible near the bottom center of the page. The overall tone is a warm, off-white or light beige.

RECEIVED